

RESUMAZIUN

digl protocol dalla radunanza communal Surses,
da glindesde, igls 11 d'avregl 2016, allas 20.15, an sala Grava a Savognin

Preschaints: 107 votantas e votants
Presidi: Leo Thomann, mastral
Actuar digl de: Mario Dosch

La radunanza communal da Surses digls 11 d'avregl 2016 ò

- approvo an globo e cun gronda pluralitad igls protocols dallas radunanzas constitutivas Surses digls 27 da fanadour, digls 5 d'otgover e digls 14 da december 2015.
- approvo cun gronda pluralitad e sainza cuntervusch igl preventiv digl chint current pro 2016 tgi sera cun en surple d'antradas da 10'809'850 francs. Aint igl preventiv è cuntigneida er la contribuziun dalla fusiun dad 8.4 milliuns francs.
- approvo cun gronda pluralitad e sainza cuntervusch igl preventiv digl chint d'investiziuns pro 2016 tgi prevei investiziuns bruttas da 9'585'000 francs. Las investiziuns nettas montan a 2'677'950 francs.
- approvo cun gronda pluralitad e sainza cuntervusch igl credit d'investiziun da 462'000 francs per la sanaziun dalla Veia Parsonz – Tigignas (3. etappa) ed incumbenso igl madem mument la suprastanza cun l'execuziun digl project.
- approvo cun gronda pluralitad e sainza cuntervusch igl credit d'investiziun da 397'000 francs per la sanaziun dalla Veia cantunala Rona Soura, Rona – Rona Soura (2. etappa) ed incumbenso igl madem mument la suprastanza cun l'execuziun digl project.
- approvo cun gronda pluralitad e sainza cuntervusch igl credit d'investiziun da 270'000 francs per la sanaziun dalla staziun da trafo digl provedimaint electric « Sur Meir » a Cunter ed incumbenso igl madem mument la suprastanza cun l'execuziun.
- approvo cun gronda pluralitad e tar ena cuntervusch igl credit d'investiziun da 316'000 francs per igl spustamaint da lengias d'electricitad e d'ava a « Barnagn/Viols » a Savognin ed incumbenso igl madem mument la suprastanza cun l'execuziun.
- approvo cun gronda pluralitad e tar ena cuntervusch igl credit d'investiziun da 320'000 francs per la compra d'en vehichel forestal per trer lagna ed incumbenso igl madem mument la suprastanza d'acquistar igl vehichel.
- fixo cun gronda pluralitad e sainza cuntervusch igl pe da taglia per igl onn 2016 sen 100% dalla taglia cantunala simpla.
- fixo cun gronda pluralitad e sainza cuntervusch la quota per la vendita dad immobiglias ad esters pro 2016 sen 100%.
- approvo cun gronda pluralitad e tar quatter cuntervuschs igl credit da 600'300 francs per la compra dalla parcella da biagier nr. 3388 a Sot Spondas, Savognin, dalla Pendicularas Savognin SA.
- decida cun gronda pluralitad e sainza cuntervusch da schliier l'Associaziun Integraziun Alvra (VIA) segls 31 da fanadour 2016.
- approvo cun gronda pluralitad e sainza cuntervusch igl urden da scola Surses.
- approvo cun gronda pluralitad e sainza cuntervusch igl reglamaint da taxas per la procedura dallas lubientschas da biagier digl cumegn da Surses.
- piglia cunaschientscha da diversas infurmaziuns.

Igl protocol dalla radunanza communal digls 11 d'avregl vign exponia a parteir digls 22 d'avregl 2016 ainten la canzleia communal digl cumegn da Surses a Tinizong. Tottas persungas cun dretg da votar an tgossas communalas pon piglier invista digl protocol.

Tinizong, igls 22 d'avregl 2016

Suprastanza communal Surses

Igl mastral: Igl actuar a.i. :
sig. Leo Thomann *sig. Mario Dosch*